



Broj: 04-40-1-68/25
Sarajevo, 10.03.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 09.03.2025. do 08:30 sati 10.03.2025. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 31 manju intervencije i to: 20 intervencija na gašenju zapaljenog niskog rastinja, 4 intervencije na gašenju zapaljenog smeća, 2 na gašenju zapaljenog stabla, 2 tehničke intervencije na sapiranju platforme na Međunarodnom aerodromu Sarajevo i tri obezbjeđenja (2 tankovanja goriva na Međunarodnom aerodromu Sarajevo i jedan sportski događaj).

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju ranog upozoravanja ugroženog stanovništva i njihove eventualne evakuacije. Uposlenici Službe civilne zaštite Općine Stari Grad Sarajevo i pripadnici službi zaštite i spašavanja Općine Stari Grad Sarajevo, izlaskom na navedene lokacije dana 09.03.2025. godine, utvrdili su slijedeće stanje:

1) Lokalitet "Curine njive" – Opština Istočni Stari Grad i Opština Stari Grad Sarajevo (Bostarići)

Izlaskom na lice mjesta dana 09.03.2025. godine uočeno je da su na terenu formirane pukotine uslijed naprezanja i pomjeranja tla duž klizne plohe te iste variraju u veličini, obliku i orijentaciji. Dolazi do vidljivih promjena oblika pukotina odnosno povećanje širine i dužine istih. Na dijelu lokaliteta "Curine njive-igralište" dolazi do konstantnog priliva vode jačeg intenziteta, koji stvara djelomični plavnu livadu koja usljed temperaturnih oscilacija dovodi do pojave leda.

Pojave vode u zapadnom dijelu klizišta neposredno ispod nasipa ne može se tačno utvrditi. Ove vode prodiru u tijelo klizišta i slabe otporne karakteristike tla duž klizne plohe (pretpostavka je

da se ista javlja iz podzemnih kaptaža koje trpe pritisak zemlje odnosno građevinskog materijala sa nasipa).

U gornjem dijelu odloženog materijala/nasipa nisu uočene pojave vode ili konstantan priliv vode u tijelo klizišta. Na predmetnom ugroženom terenu nisu konstatovani stalni tokovi vode. Povremeni bezimni potok se blago usjekao u centralnom i donjem dijelu padine/nasipa, a u dijelu njegovog korita na kratkom rastojanju od par metara se isti gubi infiltrirajući se u pukotine tijela klizišta.

U dijeli ispod lokaliteta "Curine njive-igralište" (dio Općine Stari Grad Sarajevo) vidljiva promjena oblika ranije nastalih pukotina odnosno znatno povećanje širine i dužine istih kao i pojava novih. Teren je i dalje zavodnjen te ima negativan uticaj na procese klizanja tla. Ove promjene ukazuju na moguće aktivno klizanje tla, što je pojačano zavodnjavanjem terena. Zavodnjavanje može dodatno destabilizirati tlo, smanjujući njegovu čvrstoću i povećavajući rizik od klizanja.

Na predmetnom lokalitetu nastavljani su geološki radovi na ipitivanju tla - bušenje istražnih *bušotina* od strane predstavnika Instituta za geotehniku i geološko inženjerstvo Građevinskog fakulteta u Sarajevu.

Na predmetnom lokalitetu vrši se 24-satno osmatranje terena od strane uposlenika Službe civilne zaštite Općine Stari Grad Sarajevo kao i službi zaštite i spašavanja Općine Stari Grad Sarajevo u cilju ranog upozoravanja ugroženog stanovništva i njihove evakuacije kao i upozoravanja Operativnog centra Općine Stari Grad Sarajevo, Općinskog štaba civilne zaštite Općine Stari Grad Sarajevo i službi zaštite i spašavanja Općine Stari Grad Sarajevo te Operativnog centra Kantonalne uprave civilne zaštite Kantona Sarajevo.

2) Lokalitet "Knjeginjac" – Opština Istočni Stari Grad

Izlaskom na lokalitet "Knjeginjac" dana 04.03.2025.godine uposlenici Službe civilne zaštite Općine Stari Grad Sarajevo utvrdili su da se na predmetnom lokalitetu *ne vrši* odlaganja nove količine zemljanog i kamenog materijala odnosno da se ne izvode nikavi građevinski radovi.

Na lokalitetu "Knjeginjac" u Opštini Istočni Stari Grad nastavljani su građevinski radovi na nasipanju pristupnog puta tamponskim materijalom, kao i na uređenju predmetne parcele. Ovi radovi imaju za cilj omogućiti lakši pristup mehanizaciji koja će se koristiti za izvođenje hitnih mjera na klizištu. Konkretno, planira se izrada drenaže u nožičnom dijelu klizišta kako bi se kontrolisano odvodila voda iz tijela klizišta do najbližeg recipijenta. Ove mjere su neophodne kako bi se spriječilo dalje pomicanje klizišta i osigurala stabilnost terena.

3) Lokalitet Bistrički potok – Opština Stari Grad Sarajevo (Boguševac) i Opština Istočni Stari Grad

Izlaskom na lice mjesta dana 04.03.2025.godine uočeno je da je korito Bistričkog potoka i dalje djelimično zasuto materijalom sa deponije, obrušenim stablima te ranije isječenim stablima. Nisu uočena nova obrušavanja materijala sa deponije u vidu zemljano-kamenog materijala i stabala niti je uočeno da je vršeno uklanjanje ranije odloženog zemljano-kamenog materijala i stabala.

Dana 09.03.2025.godine, tim sastavljen od uposlenika Službe civilne zaštite, Službe za imovinsko-pravne, geodetske poslove, katastar i stambene poslove Općine Stari Grad Sarajevo, uposlenika JP "Sarajevo" d.o.o. Sarajevo ("Sarajevska žičara"), predstavnika Kantonalne javne ustanove za zaštićena prirodna područja te predstavnika Federalnog hidrometeorološkog zavoda, izvršili su obilazak lokaliteta Trebević. Ovaj obilazak bio je u neposrednoj blizini dolazne stanice trebevičke žičare, s ciljem pronalaženja optimalne mikrolokacije za postavljanje hidrografske mobilne stanice za mjerenje količine padavina.

Cilj ovog zajedničkog nastupa bio je identificirati najpogodniju lokaciju koja će omogućiti precizno i pouzdano mjerenje količine padavina, što je od ključnog značaja za praćenje vremenskih

prilika te stanja korita Bistričkog potoka, upozoravanje na moguće prirodne nepogode te planiranje aktivnosti u vezi sa zaštitom okoliša i upravljanjem vodnim resursima.

Tokom obilaska uzeti su u obzir različiti faktori kao što su topografija terena, mikroklimatski uslovi, dostupnost infrastrukture te utjecaj na okoliš. Nakon što se odabere optimalna lokacija, slijedit će daljnji koraci u vezi s postavljanjem i puštanjem u rad hidrografske mobilne stanice.

Na predmetnom lokalitetu i dalje se vrši se 24-satno osmatranje terena od strane uposlenika Službe civilne zaštite Općine Stari Grad Sarajevo te se informacije dostavljaju dežurnom Operativnom centru.

4) Naredba Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj: 08-40-1128-2/24 od 01.11.2024.godine i broj: 08-40-1128-2.1/24 od 20.11.2024.godine

Postupajući po Naredbi Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj: 08-40-1128-2/24 od 01.11.2024.godine, uposlenici Službe civilne zaštite Općine Stari Grad Sarajevo redovno vrše obilazak stambenih objekata i građana ulica Bostarići, Ablakovina i Ablakovina čikma.

U skladu sa Planom evakuacije i zbrinjavanja stanovništva u slučaju procjene da može doći do prirodnih ili drugih nesreća ili da je proglašeno stanje prirodne ili druge nesreće na području Općine Stari Grad Sarajevo - lokalitet MZ "Širokača", ulica Bostarići i Ablakovina, broj:12-40-222-87/24 od 30.10.2024.godine, te Izmjenama i dopunama Plana evakuacije i zbrinjavanja stanovništva u slučaju procjene da može doći do prirodnih ili drugih nesreća ili da je proglašeno stanje prirodne ili druge nesreće na području Općine Stari Grad Sarajevo - lokalitet MZ "Širokača", ulica Bostarići i Ablakovina, broj:12-40-222-96/24 od 06.11.2024.godine, a koje je donio Općinski štab civilne zaštite Općine Stari Grad Sarajevo, uposlenici Službe civilne zaštite i Službe za poslove mjesnih zajednica Općine Stari Grad Sarajevo poduzimaju daljnje aktivnosti za smještaj stanovništva sa ugroženog područja u dostupne smještajne jedinice koje će biti osigurane posredstvom Općine Stari Grad Sarajevo.

5) Požari

Služba za zaštitu od požara pri Dobrovoljnom vatrogasnom društvu "Vratnik" Općine Stari Grad Sarajevo, imala je dana 09.03.2025.g. intervencije na gašenju požara, i to:

- u MZ "Mošćanica", naselje Obhodža, gorjelo je nisko rastinje. Na intervenciju izašla 6 vatrogasaca sa jednim vozilom. Požar je ugašen.

- lokalitet Čavljak, gorjelo je nisko rastinje. Na intervenciju izašla dva vozila sa 6 vatrogasaca. Požar je ugašen.

- lokalitet Nahorevska brda, gorjelo je nisko rastinje. Na intervenciju izašla dva vozila sa 6 vatrogasaca. Požar je ugašen.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 12°C, vlažnost zraka 28%, barometarski pritisak 937,9 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi saobraćaj se odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a